



Procesuiranje predmeta ratnih zločina u Bosni i Hercegovini (2004-2021)

Prema informacijama dostupnim 30. juna 2022. godine

Misija OSCE-a u Bosni i Hercegovini (Misija) započela je praćenje procesuiranja predmeta ratnih zločina u Bosni i Hercegovini 2004. godine. Do kraja 2021. godine, **ukupno je okončano 644 predmeta sa 978 optuženih**. Usprkos ovom, krajem 2021. godine ostalo je neriješeno 495 predmeta sa 4.284 osumnjičenih. U posljednje vrijeme, Misija je zabilježila opći trend pada u broju okončanih predmeta, od najvećeg broja od 67 predmeta sa 96 optuženih u 2016. godini, do 35 predmeta sa 53 optužena u 2021. godini.



Prosječna stopa pravosnažnih osuđujućih presuda u predmetima ratnih zločina postepeno je padala sa 75% u 2014. na najnižih 51% u 2018. godini. Stopa osuđujućih presuda porasla je na 74% u 2019. godini, a zatim je pala na 55% u 2020. godini, da bi ponovo porasla u 2021. godini na 88%.



U 2021. godini Misija je primijetila **porast broja prvostepenih presuda**, s izrečene 34 prvostepene presude, u odnosu na 20 u 2020. godini. Broj **predmeta koji su bili u toku** krajem 2021. godine (245) bio je nešto manji u odnosu na kraj 2020. godine (253). Od ovih 245 predmeta, 10 ih je bilo u fazi potvrđivanja optužnice, 81 je bio u fazi prije izjašnjavanja o krivnji, 25 je čekalo početak glavnog pretresa, a 129 je bilo u fazi glavnog pretresa, u ponovljenom ili žalbenom postupku.

Predmeti koji su u toku

(broj optuženih je prikazan u zagradama)

Sud BiH	Federacija BiH (FBiH)	Republika Srpska (RS)	Brčko distrikt BiH (Brčko distrikt)	Ukupno
134 (366)	68 (79)	38 (44)	5 (5)	245 (494)

Nedostupnost optuženih sudovima, obično zato što se nalaze u trećim zemljama i po zakonu ne mogu biti izručeni, predstavlja glavnu prepreku u procesuiranju predmeta ratnih zločina. **Ovaj problem je prisutan kod otprilike 38% predmeta koji su u toku** pred svim sudovima u BiH. Konkretno, na kraju 2021. godine, od 245 predmeta u kojima je optužnica potvrđena, 100 optuženih u ukupno 94 predmeta bilo je nedostupno nadležnim sudovima u BiH.

Broj potvrđenih optužnica na godišnjem nivou značajno se smanjio od 2014. godine pred svim sudovima u BiH.

Potvrđene optužnice, 2014-2021

(broj optuženih je prikazan u zagradama)

Nadležnost	2014	2015	2016	2017	2018	2019	2020	2021
	Predmeta	Predmeta	Predmeta	Predmeta	Predmeta	Predmeta	Predmeta	Predmeta
Sud BiH	57 (116)	49 (132)	33 (85)	29 (65)	34 (97)	17 (39)	11 (28)	15 (38)
FBiH	20 (25)	20 (22)	21 (34)	13 (21)	11 (17)	13 (14)	3 (3)	11 (12)
RS	16 (25)	15 (18)	12 (17)	7 (15)	10 (13)	6 (6)	3 (4)	3 (3)
Brčko distrikt	3 (4)	1 (1)	0	0	2 (2)	2 (3)	1 (1)	0
Ukupno: 438	96 (170)	85 (173)	66 (136)	49 (101)	57 (129)	38 (62)	18 (36)	29 (53)

Od ukupno 1.192 predmeta ustupljenih od 2009. godine sa Suda BiH na sudove entiteta i Brčko distrikta BiH, 622 su KTRZ predmeti - predmeti u kojima su poznati krivično djelo i počinitelj, što je približno 58%. **U 2021. godini, od 209 ustupljenih predmeta, samo 25 su KTRZ predmeti - približno 12%.**

Ustupljeni predmeti,¹ 2009-2021

Nadležnost	2009	2010	2011	2012	2013	2014	2015	2016	2017	2018	2019	2020	2021
FBiH	3	34	16	145	43	34	21	27	16	127	50	156	111
RS	3	10	8	71	15	9	11	4	7	38	24	93	79
Brčko distrikt	0	1	1	1	0	0	0	0	1	2	1	11	19
Ukupno: 1192	6	45	25	217	58	43	32	31	24	167	75	260	209

Prezeti predmeti,² 2009-2021

Nadležnost	2009	2010	2011	2012	2013	2014	2015	2016	2017	2018	2019	2020	2021
FBiH	2	5	19	42	29	11	4	22	7	5	1	0	2
RS	1	1	6	16	37	23	7	7	13	3	3	0	7
Brčko distrikt	0	0	0	1	1	6	1	1	0	0	0	0	0
Ukupno: 283	3	6	25	59	67	40	12	30	20	8	4	0	9

¹ „Ustupljeni predmeti“ su oni koje je Sud BiH ustupio sudovima u entitetima i Brčko distriktu BiH na daljnje vođenje postupka u skladu sa članom 27/27a Zakona o krivičnom postupku BiH.

² „Prezeti predmeti“ su oni koje je Sud BiH preuzeo sa sudova u entitetima i Brčko distriktu BiH na daljnje vođenje postupka u skladu sa članom 449. Zakona o krivičnom postupku BiH.